

西

魏

書

地域考三上

通議大夫浙江按察使司按察使加二級南

拓跋起朔方奄有中夏永熙棄孝文之業西都關中於是河北州郡高氏竊據終魏世不能復然魏以山河四塞之地訓兵教戰務穀勸農遂能撫有三分天下之二宇文席之以霸視梁陳爲強矣獨其州郡併析改易者二十年餘名稱紛糾凡改州五十郡一百六縣二百三十增立者不與焉魏氏地形志雖據永熙綰籍而漏落已多後世輿地之書記載尤爲參錯今詳證互校得其可知者著爲考云

雍州禹貢黑水西河之地舜置十二牧雍其一也周自武王剋殷都於鄴鎬雍州爲王畿平王東遷洛邑以岐鄠之地賜

秦襄公秦累世都之秦滅漢又都之及武帝置十三州其地以西偏爲涼州其餘並屬司隸不統於州後漢光武都洛陽關中復置雍州後罷復置司隸校尉統三輔如舊獻帝時又置雍州自三輔距西域皆屬焉魏文帝卽位分河西爲涼州分隴右爲秦州改京兆尹爲太守馮翊扶風各除左右仍以三輔屬司隸晉初於長安置雍州愍帝後劉聰石勒苻健姚萇相繼竊據之萇孫泓爲劉裕所滅東晉復置雍州及京兆郡尋爲赫連勃勃所破遣子隗鎮長安號曰南臺太武帝破赫連昌復置雍州領郡四縣二十三

京兆尹秦兼天下置內史以領關中項籍滅秦分其地爲三以章邯爲雍王都廢邛

今典平縣

司馬欣爲塞王都櫟陽

今臨潼縣董

翳爲翟王都高奴

今安塞縣

謂之三秦高祖入關定三秦復併爲

內史景帝分置左右內史武帝太初元年改內史爲京兆尹  
後與左馮翊右扶風謂之三輔俱理長安城中隸司隸校尉  
光武初隸雍州尋仍舊屬司隸魏因之晉初復隸雍州東晉  
滅姚泓復置京兆郡隸雍州尋陷赫連氏太武帝復置京兆  
郡孝武帝永熙三年自洛陽遷都長安改京兆尹領縣八

長安州尹治初郡治霸城永熙三年徙本周之豐鎬秦嘗爲  
縣始皇弟成蟜封爲長安君楚懷王封項羽爲長安侯是也  
但未詳所在漢高帝五年入關置長安縣屬京兆尹賈耽郡

國志縣道記

寰宇記引

云長安蓋古鄉聚名在渭水北對秦咸陽

宮漢於其地作未央宮謂大城曰長安城五年置縣以長安

爲名歷後漢魏晉苻姚不改有昆明池周靈臺鎬池彪池水  
杜古杜伯國周武王滅唐而遷之於此秦武公十一年縣之  
漢宣帝以杜東原上爲初陵改曰杜陵後魏改杜城魏志作  
晉改杜  
城考晉書志仍作杜陵寰宇記與  
地廣記作後魏改爲杜城今從之又改曰杜

鄠本夏之扈國啟與有扈戰於甘之野漢地理志云古扈國  
有扈谷亭又有甘亭殷爲崇國文王伐崇卽此秦改爲鄠邑  
孝文王起賁陽宮於此二漢屬右扶風晉屬始平魏眞君七  
年分屬京兆郡永熙後屬京兆尹有終南山豐水出焉

山北姚興所置有風涼原有苦谷澹水出焉有杜城

新豐故驪戎國秦曰驪邑漢高祖七年太上皇思東歸於是  
高祖改築城寺街里以象豐徙民以實之故號新豐

元和志  
移粉榆

舊社街衢棟宇一如舊制男女老幼各知其室雖雞犬混放亦識其家焉有驪山戲亭首谷水

霸城秦芷陽縣漢文帝更名霸陵晉改為霸城有軹道亭長

門亭霸水輿地廣記霸水故滋水秦穆公更名以顯霸功溫泉安昌陂

陰槃漢置屬安定郡魏志誤靈帝末移陰槃寄理於新豐晉

屬京兆真君七年併入新豐太和十一年寰宇記復置寰宇記治

冷水西戲水東司馬村有鴻門亭靈谷水戲水

藍田山出美玉秦孝公置元和志案周禮玉之美者曰球其次曰藍蓋以縣出美玉故曰藍田

漢晉竝屬京兆真君七年併霸城太和十一年復有白鹿原

馮翊郡秦內史漢高帝元年屬塞國二年更名河上郡九年

罷復為內史武帝建元六年分為左內史後太初元年更名

左馮翊寰宇記作景帝為左內史武帝為左馮翊今從漢志樂氏誤也魏除左字案後漢建安初置馮

翊郡治陵晉魏太和中改置領縣六  
華州華山郡者與此異地

高陸郡治秦曰高陵孝公置漢屬左馮翊魏文帝改爲高陸

晉屬京兆明帝改屬有薄水

頻陽秦厲公置

漢志注應劭曰在頻水之陽案元和志美原縣西北有頻山秦厲公於山南立縣故曰頻

陽與應說異蓋二漢晉竝屬馮翊有廣武城南鹵原鹽池  
山水皆得頻名

萬年漢高帝葬太上皇於櫟陽之萬年陵遂分櫟陽置萬年

縣以爲陵邑後漢省櫟陽入萬年有漆沮水

地形志云二漢晉屬京兆案晉

志萬年屬京兆漢則隸左馮翊魏志誤也

蓮勺漢縣秦姚萇廢太和三年復

漢志注蓮勺音輦酌寰宇記曰蓮勺以草爲名有

據城

廣陽宣武帝景明元年分萬年縣置

郭太和二十二年置

扶風郡故秦內史漢高帝元年屬雍國二年更爲中地郡九年罷復爲內史武帝爲右內史太初中更名主爵都尉爲右扶風魏文帝去右字晉太康八年爲秦國世祖眞君年中併始平郡屬焉領縣五

好時漢縣後漢末省晉元康中復置有塢山武都城通典縣因古好

時祠爲名或曰自古以雍州積高神明之奧立時郊上帝諸神祠皆聚焉

始平郡治初治好時西遷後移治漢武帝割槐里置茂陵縣有昭帝魏平陵

改爲始平晉屬始平郡後改有溫泉新市城

美陽案地形志太和十一年分扶風置武功郡以漢晉隸扶風之美陽改屬又通典元和志寰宇記並云魏於美陽

縣置武功郡則美陽爲武功郡治不屬扶風地形志旣載美陽於武功郡下又於扶風郡載領美陽必記載之誤今姑仍



之

槐里周曰犬邛懿王都之秦更名廢邛漢高祖三年更名槐里晉以前屬治平後改有板橋泉

盤屋漢武帝置屬

山曲曰盤水曲曰屋

後漢省晉復立真君七年併武

功屬焉

咸陽郡後魏置領縣四

石安石勒置秦孝公築渭城名咸陽宮有四皓祠安陵城杜

鄠亭竇氏泉周文王祠

池陽郡治漢惠帝四年置

以在池水之陽故名

有截辟山鄭白渠

元和志謂

後魏廢池陽於涇陽置咸陽郡與魏志不合李氏誤也

靈武漢置屬北地郡後漢罷晉復真君七年分屬焉

涇陽眞君七年併石安景明二年復屬

延壽郡大統三年置

案西魏之改置州郡縣見於隋志及通典元和志寰宇記輿地廣記諸書至其

州郡縣之所領隸十不詳一今於其不可知者以形勢次第少爲聯屬不敢以臆定質言之也

下邳大統三年分蓮勺置

案下邳漢縣至魏廢故地形志焉翊郡蓮勺下云有下邳城後大統

三年復置兼置延壽郡寰宇記謂太和三年改馮翊爲延壽蓋太和爲大統之譌又改字當作分傳寫誤也

寧夷郡西遷後置

寧夷漢池陽谷口二縣地後魏置縣有甘泉九疊山

宜州永熙初於北地郡兼置北雍州廢帝二年改

通川郡魏文帝分馮翊之祓祊置北地郡眞君七年廢景明

初復廢帝二年改

通典寰宇記作宣州郡傳寫之誤今據隋志

領縣六

富平州郡治漢縣眞君八年罷泥陽弋居屬焉有北地城漢

武帝祠

案大統元年移治故懷德城東北文帝崩葬於縣東南二十五里

泥陽

漢志注泥水出郁郅北蠻中

眞君七年併富平景明元年復有慈城

山

弋居漢縣晉罷後復眞君七年併富平後復

雲陽漢縣魏司馬宣王撫慰關中罷縣置撫夷護軍及趙王倫鎮長安復護軍劉石苻姚因之後魏罷護軍復置縣有蒲池水雲陽宮

銅官漢祓禱縣地晉頻縣地苻堅於祓禱城東北銅官川置銅官護軍太武帝眞君七年罷護軍置縣有關山石盤山土門景明元年置有土門山

宜君郡西遷後置

宜君眞君七年置有宜君水

岐州太和十一年置治雍城鎮

案元和志作太武於今岐州理東築雍城鎮文帝改鎮爲

岐州與魏志不合文帝當作孝文

領郡三縣九

岐山郡

通典作岐陽今從隋志

太延二年置平秦郡西遷後改名領縣

三

雍秦都漢縣有周城汧水

周城眞君六年置

橫水眞君十年分周城置

武都郡太延年中置領縣五

魏志領三縣今據寰宇記增縣二

洛邑西遷後置

郿城眞君六年置平陽西遷後改有新谷五丈原郿塢

高車

南由漢汧縣地孝明帝於縣西南由谷口置縣因谷爲名

或由

誤作

屬武都郡西遷後改鎮尋復

陳倉漢縣晉末廢苻姚時於縣界置苑川縣

苑隋志作宛

大統十

六年移縣治漢古城改名屬

武功郡太和十一年分扶風置領縣二

美陽古有邠國堯封后稷之地周平王東遷以錫秦襄公孝公作四十一縣釐美陽武功各一也美陽二漢晉屬右扶風眞君七年罷郡屬焉後屬有岐山太白山美原廟駱谷邵亭漢西太和十一年分好時置有梁山武都城

秦州古西戎地秦始皇封之邑晉置州領郡三縣十一

天水郡秦爲隴西郡漢武帝元鼎三年分置天水

漢志注郡前湖水冬

夏無增減故名後隗囂據其地後漢明帝改曰漢陽晉復領縣五

上封州郡治古邽戎邑漢置縣犯太祖嫌名改邽爲封有席水

顯新漢成紀縣地後漢置顯親侯國晉改名眞君八年併安夷後屬

平泉

當亭眞君八年置

略陽郡晉武帝分天水置本名廣魏尋改名領縣三

案郡初領五縣

西魏省縣諸又於清水置郡

安戎漢縣曰戎邑後漢晉罷後復置有董城

略陽郡治初郡治安戎西遷後改

案地形志略陽領隴城無略陽考二漢志俱略陽隴

竝置晉志有略陽無隴蓋併隴於略陽後魏置隴城省略陽故地形志隴城條下稱有隴城略陽城明爲二縣舊治也西

魏復改隴城曰略陽

阿陽漢縣晉罷太和十一年復

阿隋志秦領下誤作伯今據魏志

漢陽郡眞君七年分天水置領縣三

黃瓜眞君八年置有始昌城

陽廉有鄧松山

階陵

清水郡西遷後置

清水秦仲始所封附庸地漢置縣屬天水後漢罷晉復魏初

屬略陽西遷後置郡

成州古白馬氏國二漢屬武都郡晉永嘉後沒於楊茂搜等

置北秦州仇池郡眞君七年置仇池鎮太和十一年爲渠州

渠一作梁

正始初置南秦州

寰宇記作後魏廢帝元年改郡爲南秦州與地形志不合疑誤

治洛

谷

在仇池山

廢帝三年改曰成州領郡五縣十四

天水郡眞君七年置領縣三

水南郡治眞君二年置

平泉眞君三年置

平原

長道郡眞君五年置漢陽郡廢帝改領縣二

穀泉

漢陽郡治眞君三年置



蘭倉廢帝改有雷牛山黃帝洞

武階郡領縣二

北部隋志武都郡覆津下云後魏初曰翫當置武階郡西魏又置覆津縣案魏志武階領北部南五部赤萬三縣無翫當西魏別置萬部領赤方接難五部三縣赤方當卽赤萬五部卽南五部武階所領僅北部一縣故置覆津益之隋志所稱翫當蓋卽北部縣也

覆津大統五年置

修武郡領縣五

平洛太和四年置

和樹太和八年置

下辨漢晉俱屬武都太和四年分屬

廣長郡治太和四年置

隋志順政郡脩城下云後周廢脩城郡又廢下坂縣入廣長案魏志無下

坂疑卽下辨之譌又  
脩城郡城字當作武

柏樹西遷後置屬

仇池郡眞君中於仇池鎮置有仇池山其土地百頃四面壁  
立峭絕險固一人守道萬人莫向山勢自然有樓櫓却敵之  
狀東西二盤道可七里上有岡阜泉源晉末爲氏楊茂搜據  
所理處名洛谷領縣二

階陵眞君四年置有牛頭山

倉泉太和四年置

案隋志上祿注稱周廢階陵豐川建平城  
階四縣入倉泉今階陵隸仇池其三縣所

隸不可  
考矣

岷州秦隴西郡之臨洮縣地大統十六年置州

同和郡大統十六年置

溢樂本臨洮大統十六年改名

潭水郡西遷後置

甘若

相山

武定

武州廢帝置

武都郡古白馬氏國天池大澤在其西漢武帝元鼎六年闢地置武都郡後漢因之蜀漢建興七年伐魏得武都陰平二郡晉永嘉末爲楊茂搜所據宋討平之於仇池仙陵山之東置武都鎮宣武帝于鎮置武都郡廢帝復置州安育州郡治眞君九年置石門西遷後改

東平眞君九年置

白水郡眞君九年置郡後廢爲縣西遷後復置郡

綏戎郡治本白水縣改

洪化

孔提郡西遷後置

孔提初屬武都西遷後改

萬郡西遷後置

赤方太和四年置赤萬郡後降縣屬武階西遷後改

案赤萬或從古

作万傳寫者誤于万上加點遂爲俗方字

接難西遷後置

五部太和四年置

南五部太和四年置郡後降縣屬武階西遷後去南字改屬文州漢武帝開西南夷置陰平道晉末爲李雄及楊茂搜據廢帝平蜀置州

盧北郡廢帝置屬

建昌廢帝置屬

武陽郡西遷後置

盤堤西遷後置南五部縣尋改

茹蘆西遷後置

陰平郡晉置

曲水廢帝置屬在南北二江之曲故名

正西廢帝置

鄧州秦漢已來蕃地廢帝元年逐吐谷渾討定陰平置州  
鄧寧郡廢帝元年置取前鄧羌部落所居爲州郡名

封統郡

同昌廢帝元年置屬有鄧至山云鄧艾所至

帖夷郡

帖夷廢帝元年置屬

尚安郡

鉗川廢帝二年置屬以山爲名

武進郡恭帝二年置

尚安

麓州廢帝時儀同宇文昶殄陰平鄧至二蕃置寧州尋改名

昌寧郡

鳳州孝昌中置南岐州廢帝三年改名

案隋志河池郡下作後周改南岐爲鳳州

今從周書文帝紀

領郡三

歸真郡延興四年置固道郡

一作太和初置

廢帝三年改名

案魏志固道廣

化廣業三郡皆缺縣今據隋志補

梁泉漢故道縣後魏置郡曰固道改縣曰涼泉尋改梁泉

龍安

商樂

廣化郡

廣化

思安

廣業郡

同谷舊曰白石西遷後改名

興州白馬氏東境秦屬蜀郡漢武都郡沮縣地晉永嘉末爲氏楊茂搜所據其後爲梁所破置武興蕃王國楊難當據下辦自稱大秦王難當弟伯宜爲茹蘆王伯宜孫鼠分王武興鼠子集來稱蕃正始三年以謀叛遂廢武興爲藩鎮其年改鎮爲東益州廢帝二年改名領郡七縣十七

順政郡正始三年改武興鎮爲郡又僞置略陽郡後省廢帝二年改武興曰順政領縣四

景昌

漢曲州郡治正始三年置武興縣西遷後改



石門

武安

仇池郡領縣三

西鄉

西石門

靈道西遷後置曰仇池尋改

槃頭郡因水盤曲爲名領縣二

武世

葭舉漢沮縣地太武帝置縣以長舉城爲名

案隋志通典葭  
並作長不加草

又云西魏置長舉及槃頭郡  
者誤地形志已有此郡縣矣

廣葭郡領縣二

葭廣

新巴

廣業郡領縣二

廣業

廣化

梓潼郡領縣二

華陽

興宋

洛聚郡

魏志作洛聚隋志通典並作落叢寰宇記謂以落叢山爲名

宣武帝置領縣二

武都

落叢郡治宣武帝置明水縣西遷後改名

利州本晉晉壽郡正始中得其地置益州

亦曰西益州

永熙三年

復入於梁改爲黎州廢帝二年尅黎州仍改西益州恭帝元年又改領郡五縣十一

東晉壽郡晉孝武置魏因之

案魏志作安帝置今從晉志

領縣四

黃

石亭

興安晉安帝置

案晉志晉壽郡領興安無晉安又隋志縣谷注興安置晉壽郡開皇十八年改興安爲縣

谷今魏志興作晉傳寫之譌

晉壽晉惠帝置屬梓潼後屬

西晉壽郡領縣一

陰平

新巴郡晉安帝置領縣二案魏志郡領新巴一縣今據隋志寰宇記增

晉安太元中分晉壽置屬

新巴晉安帝置

南白水郡領縣二

始平

京兆

宋熙郡案宋志宋熙郡領興樂歸安宋安元壽嘉昌五縣南齊志宋熙領興平宋安陽安元壽嘉昌五縣魏志宋

熙所領僅二縣蓋梁魏所併省領縣二

興樂

元壽

平興郡

白水案隋志景谷舊白水縣置平興郡開皇初廢郡改白水曰平興蓋廢郡之後以郡名改縣寰宇記作宋分白水

置平興者誤

東洛郡

義城恭帝二年分晉壽置

岐坪宋武帝分晉壽置宋安恭帝末改以岐坪川為名坪一作岬

集州舊東巴州改名

龍州秦漢魏無人之地魏鄧艾伐蜀自陰平至江油即此晉始置平武縣至梁為楊李二豪族所據後魏武帝得其地置

江油郡廢帝二年置州領郡二縣三

江油郡

江油廢帝二年置

馬盤郡舊置以山爲名

馬盤舊置

平武梁末李文智自立爲藩王廢帝二年復置

始州漢梓潼縣地梁天監中置南梁州以在梁州之南梁末改安州廢帝二年伐蜀先下安州始通巴蜀因改安州爲始州取郡邑更始爲名

普安郡廢帝二年置屬

普安梁曰南安廢帝二年改

安都郡舊曰輔劍

寰宇記作宋置武都今從隋志

武連宋初置下辯尋改武功廢帝二年又改

元和志作周明帝改今從隋志

及寰  
字記

黃原郡舊有南安郡平蜀後廢改

黃安宋大明中置華陽隸南安恭帝改名元和志作恭帝改華陽為南安周武

帝改黃安案隋志南安改普安華陽改黃安皆西魏改最明晰今從之

永歸宋置白水平蜀後改元和志作周閔帝改今從隋志

陰平郡宋太始中置北陰平郡西遷後改案隋志陰平下稱魏置龍州蓋西遷

後移龍州治於江油

陰平西遷後置

潼川郡漢建安二十二年昭烈分廣漢置梓潼郡晉永嘉末

徙西遷後復置郡

安壽漢元鼎元年置梓潼縣東倚梓林西枕潼水西遷後置郡移縣於

郡南三十里改名

潼州廢帝二年置

一作梁置  
今從隋志

巴西郡晉末徙梓潼郡於此廢帝二年改置州郡

巴西漢涪縣廢帝二年改名

元和志作魏改巴中隋  
避諱改巴西今從隋志

魏城恭帝元年析巴西置

昌隆晉孝武自白沙戍移漢昌縣僑理於此廢帝改名

胡原梁天監十八年置

涪城郡舊始平改

涪城

萬安郡恭帝元年置

萬安舊孱亭改

平川晉孝武僑置西充國縣梁武陵王蕭紀改名恭帝時移



治於神泉東

益昌舊置益昌晉興二縣後省晉興入

新州漢廣漢郡地梁武陵王蕭紀置州

昌城郡宋置新城郡齊廢平蜀後復置郡

昌城宋分伍城置北伍城於漢鄴縣地

案隋鄴縣下作舊曰伍城無北字遂於元

武下伍城混今

恭帝三年改名

案寰宇記作魏置新城恭帝改昌城

射江恭帝置

鹽亭郡梁置北宕渠郡恭帝改以近鹽井故名

鹽亭古方安縣梁大同元年置亭因爲縣

湧泉郡漢廣漢縣地宋置西宕渠郡恭帝移治湧山改名

湧泉梁置通泉恭帝改

合州恭帝三年置以涪漢二水合於此因名

墊江郡宋置東宕渠郡大統初得其地恭帝三年改名

石鏡漢墊江宋改名渠恭帝三年又改縣有青石如鏡故名

清居郡梁大同中置新興郡恭帝三年改名

漢初恭帝三年置

案寰宇記作恭帝置清居縣隋初改漢初今從隋志

東遂寧郡晉永和中改廣漢置遂寧郡宋泰始五年刺史劉

亮采分遂寧爲東西二郡

案隋志作梁置元和志作晉志今從寰宇記

方義齊改廣漢曰小溪恭帝又改

懷化郡西遷後置

青石晉晉興屬巴郡宋屬遂寧郡西遷後改

案元和志作後魏改始興開皇

十八年改青石今從隋志

長江宋置巴興屬遂寧郡恭帝改屬

楚州梁太清四年武陵王蕭紀於巴郡置

案地形志有巴州缺郡縣寰宇記謂

正始初置大谷郡延昌中於郡置州又渝州下稱西魏改梁楚州爲巴州與元和志同疑同時無並置巴州之事惟隋志通典俱云梁置楚州隋改渝州無西魏改巴州事於理爲近今從之

巴郡古巴國也閬白二水曲折東南流如巴字形故謂之巴

武王伐殷巴人助焉封爲巴子其地東至魚復西至獫狁道接漢中南極牂牁是其界也春秋時亦爲巴國戰國時楚旣稱王巴亦稱王秦惠王使張儀司馬錯伐巴蜀滅之分其地爲三十一縣始皇置巴郡漢高帝分巴蜀置廣漢郡武帝又置犍爲郡劉璋爲益州牧分巴郡爲二犍江已上爲巴郡犍江已下爲永寧郡昭烈又以固陵爲巴東郡於是巴郡分爲三

號曰三巴

枳

墊江

七門郡西遷後置

江陽舊曰江州西遷後改

案寰宇記作周閔帝置郡及改縣今從隋志

信州梁普通四年置

寰宇記作大同三年今從梁書武帝紀

巴東郡漢初平初劉璋分巴郡置固陵郡章武元年改名

陽口梁置廢帝三年移郡治此

人復春秋時庸國魚邑漢置縣曰魚復西遷後改名

朐腮漢縣

梁山西遷後置有高粱山

建平郡吳孫休分南郡置

巫山楚巫郡秦省爲縣隸南郡吳爲郡治

秦昌晉置隸建平

秭歸漢縣吳隸建平

北井晉置屬巴東後屬

安鄉郡廢帝元年分朐肹縣置

魚泉蜀漢建興八年置南浦廢帝元年改以其地多土泉民

賴魚罾爲名

案隋志南浦下稱周置安鄉郡後又改萬川寰宇記以安鄉爲魏置萬川爲周改今從之

信陵郡梁置

歸鄉舊置

開江郡廢帝三年置

新浦宋永初中置屬巴東改屬

新津

案寰宇記稱開江領新津隋志蜀郡新津下稱後周置意新津當與開江同時置也

永寧漢建安二十一年置漢豐平蜀後改名

寰宇記作周武帝改今從隋志

益州古蜀國周武王時蜀與庸羌等助伐商周衰蜀僭號稱王秦惠王八年伐蜀滅之封公子通爲蜀侯於成都置蜀郡因蜀山爲名始皇三十六郡蜀郡不改漢分雍州之南置益州以統蜀廣漢等八郡公孫述據成都改益州爲司隸蜀郡爲成都郡吳漢討述平之州郡復舊靈帝末劉焉爲益州牧初理縣竹後以火災徙理成都子璋以州降昭烈魏景元四年平蜀晉武帝改蜀郡爲成都國以皇子穎爲王惠帝已後爲李雄苻秦譙縱所竊據至梁武陵王蕭紀僭號於蜀其兄

湘東王繹討之斬於白帝廢帝二年尅蜀地竝入魏置總管

府

案隋志作周置  
今從元和志

蜀郡秦置後漢興平初益州治建安中昭烈建都

成都秦縣代爲州郡治

郫蜀望帝郫邑秦置縣屬

繁漢置屬以繁江爲名

溫江平蜀後分郫縣置屬

新都漢縣梁置始康郡平蜀後廢

寧蜀郡晉永和中分巴郡置

廣都漢縣屬巴郡晉永和中改屬

犍爲郡漢武帝置屬益州平蜀後移治

江原漢縣屬蜀郡李雄據蜀分爲漢原郡晉穆帝改晉原齊  
改晉康平蜀後省晉康入犍爲而移犍爲治於縣東三十里  
案隋志作周置犍爲今從元和志

犍道漢縣犍爲治平蜀後與郡竝移案元和志作隋開皇三

多融平蜀後置在郡西十里寰宇記作晉置多融案晉宋齊志俱無此縣今從元和志

懷寧郡晉安帝時置屬南秦州宋元嘉十六年改屬領縣三

治平

西平

萬年

晉熙郡領縣二

長楊



南武都

宋興郡宋元嘉十年置領縣三

南漢

建昌

永川

宋寧郡宋元嘉十年置領縣三

興平

宜昌

永安

汶山郡

都安

漫官

齊基郡梁置

齊基齊置屬汶山梁改屬

資州恭帝二年置

案周書閔帝紀作元年置資州蓋魏末所置繫之周初今從隋志元和志

陽安漢牛鄆縣屬犍爲晉永和中改屬蜀恭帝二年改名

婆閏恭帝二年分牛鄆置

武康郡平蜀後置

東益州梁置

南晉壽郡宋置

案元和志作後魏改南晉壽爲九隴隋志謂周廢州改郡今從之

晉壽

案齊志作南晉壽隋志無南字

隴泉

興固

青陽

廣漢郡漢置

雒漢縣郡治

案雒爲郡治自漢及齊不改隋志稱舊曰廣漢大業初改名雒豈梁魏周三朝嘗改雒爲廣漢

邪

什邡漢縣

伍城

西遂寧郡

南陰平郡

金淵郡晉義熙末朱齡石於東山置金淵戍平蜀後置郡及

縣

案淵隋志  
遷作泉

金淵

白牟平蜀後置屬

邛州梁益州刺史蕭範於蒲水口立柵爲城以稅生獠曰蒲

口頓武陵王蕭紀置邛州取南界邛來山爲名

案隋志作西魏置邛州今

從元和志

寰宇記平蜀後始置郡縣領郡四縣六

臨邛郡廢帝二年置

案通典作周置郡今從元和志舊唐地理志寰宇記

領縣一

臨邛秦縣屬蜀郡以臨邛水爲名

邛水出邛來山

魏廢晉穆帝平李

子仁於益州唐隆縣地又置臨邛縣而故地爲獠所侵據廢

帝二年自唐隆移治故地爲郡治

蒲源郡廢帝二年置領縣二

廣定恭帝置

蒲溪恭帝二年分臨邛置

案蒲溪元和志寰字記俱作臨溪今從隋志

蒲陽郡梁蒲口鎮廢帝二年置郡爲州治領縣一

依政廢帝二年置

蒙山郡廢帝二年置以山爲名禹貢蔡蒙旅平卽此領縣二  
始陽漢青衣地廢帝二年置郡治

蒙山平蜀後置

眉州漢犍爲郡武陽縣南地梁太清二年武陵王蕭紀開通  
外徵置青州取青城山爲名廢帝二年改以峨眉山爲名領  
郡二

齊通郡齊建武三年析武陽置齊通左郡梁去左字

通義恭帝二年置屬

案隋志作隋改齊通爲通義今從元和志寰字記

青神郡漢南安縣地李雄後夷獠所據平蜀後置屬

青神恭帝置屬

案隋志郡縣俱作後周置今從元和志寰字記

陵州漢武陽縣東地晉太元中益州刺史毛璩置西城戍平

蜀後置州以張道陵所開井爲名

案元和志寰字記俱作周置州今從隋志通典

懷仁郡梁置

普寧平蜀後置屬

蒲平蜀後置

寰字記作蒲亭今從隋志

仁和郡平蜀後置並縣

貴平

可曇

平井

江州梁置

江陽郡宋置

江陽

隆山舊犍爲改名

瀘州漢犍爲之江陽符陽二縣地梁大通初置州

東江陽郡晉穆帝置竝縣

江陽

漢安晉穆帝置

綿水晉置

案隋志作梁置  
今從元和志

戎州漢犍爲郡地晉末荒廢梁大同十年討定夷獠置州

六同郡梁置

南廣梁置

巴州古巴國地延昌三年於大谷郡置

案魏志巴州郡縣闕今補領郡四

縣五

大谷郡後漢分巴郡宕渠置漢昌縣晉末爲獠據宋置歸化

北水二郡

案寰宇記郡作縣據通典改

以領獠戶齊因之梁增置木門郡

門通典作蘭

正始元年梁梁州刺史夏侯道遷以地內屬於漢昌

舊理置大谷郡帶防兵以鎮撫之領縣一

梁大梁普通六年於梁大溪西三里置縣以溪爲名

大一作廣

歸化郡宋置領縣二

歸化

曾口梁普通六年置以郡境曾口谷爲名



永門郡梁普通六年置以山爲名領縣一

伏疆梁置以山爲名

北水郡宋置領縣一

盤道梁普通六年置曰難江恭帝三年改

直州舊置

洋州廢帝二年分直州置以水爲名領郡四

洋川郡廢帝二年置

黃金漢安陽縣地大統十二年置縣以水爲名隸直州廢帝

二年改屬

懷昌郡廢帝二年置領縣一

懷寧廢帝二年置

洋中郡廢帝二年置

豐寧郡漢南鄉縣晉改西鄉正始中廢縣置豐寧戍尋置郡隸直州後改屬

豐寧正始中置

靜州禹貢梁州周以梁併雍漢以梁爲益魏元帝景元四年

平蜀後立梁州

案魏景元四年爲漢炎興元年蓋於是年平蜀置州晉志作泰始三年置今從宋齊志

晉末爲李特所據李滅復舊宋齊梁因之更置秦州正始元年梁刺史夏侯道遷以州來降遂併秦州置梁州大統元年爲梁將蘭欽所陷改北梁州廢帝元年克復之仍曰梁州尋改名領郡五縣十五

儻城郡舊曰晉昌廢帝二年改名領縣三

龍亭有安國城鎮勢山瀟水

興勢延昌三年置

南城

褒中郡正始中分漢中置領縣三

褒中漢縣

以其當褒斜大路為都尉治所

晉義熙末改曰包中宋罷永平四

年復置

褒宇記引周地圖記云後魏分漢中之褒中武鄉二縣立褒中郡後周天和元年改武鄉為白雲縣按魏

志武鄉下稱延昌元年置又兩漢志晉志漢中郡所領俱無武鄉樂氏誤也

武鄉延昌元年置有牛頭山

案褒宇記南鄭縣有武鄉谷即諸葛孔明受封之所魏置縣蓋

以此得名

廉水延昌中置

安康郡宋順帝置領縣二

安康二漢曰安陽屬漢中漢末省魏復武帝更名屬魏興郡  
後屬有直水

寧都

漢中郡秦置後漢末張魯竊據改曰漢寧建安二十年魏武帝復置漢中昭烈破魏將夏侯淵遂克之晉末李特譙縱相繼據守宋齊梁皆漢中郡正始元年入魏大統初復陷廢帝元年仍克之領縣四

光義漢南鄭縣恭帝元年移治梁州理東光義府改曰光義  
有旱山池水所出東北入漢

漢陰有胡城

城固媯墟漢置縣有黑水

白雲西遷後置

華陽郡領縣三

華陽有黃牛山廉水蕭何城

沔陽漢縣有白馬城黃沙城諸葛亮廟

蟠冢正始中分沔陽置有蟠冢山漢水出焉

隆州漢巴郡地建安六年劉璋改置巴西郡晉李雄亂後荒

蕪宋元嘉八年復置北巴西郡宋末除北字孝昌中魏昌建

啟以巴州隆城鎮立南梁州據魏書後地入梁梁天監中改

置南梁北巴州廢帝二年平蜀復改以隆城鎮爲名案魏志南梁州

郡縣缺今補

盤龍郡梁天監中置巴北郡廢帝二年改置以郡中盤龍岡

爲名

閬中漢縣

南部舊曰南充國梁改

寰宇記作梁置南部郡周閔帝罷郡立南部縣屬盤龍郡今從隋志

新安郡平蜀後置

漢昌

宕渠郡

安漢

相如梁置梓潼郡平蜀後廢

金遷郡梁置掌天郡平蜀後改

案寰宇記作周閔帝改今從隋志

領縣三

晉安晉置郡治

晉城舊曰西充國梁置木蘭郡平蜀後廢郡改縣名屬

西水

白馬郡梁武帝置

奉國梁武帝置義陽郡恭帝二年廢郡改縣屬

隆城郡梁置

儀隆梁置郡治

大寅梁置屬

金州漢建安二十年分漢中之安陽西城爲西城郡後入蜀  
蜀太守申儀降魏魏改曰魏興晉宋齊不改梁置北梁州尋  
改南梁正始元年梁夏侯道遷舉漢中來歸孝昌三年改置  
東梁州於安康郡大統元年梁將蘭欽攻取南鄭其魏興等  
郡還梁梁罷梁州廢帝元年大將軍達奚武吞併山南梁刺

史李遷哲降魏魏又於魏興置東梁州三年以其地出金改名領郡三縣四永熙戶一千二百二十二

金城郡領縣一永熙戶二百八十六

直城

安康郡領縣一永熙戶六百一十八

安康

魏明郡領縣二永熙戶三百一十八

漢陽

寧都

魏興郡曹魏置

案寰宇記引輿地志稱魏興領洵陽等六縣內典晉西魏廢其四縣今不可考

洵陽漢縣在洵水陽



洵陽郡

洵陽郡本洵陽縣地晉於縣置洵口戍大統十七改置郡隋

志黃土注  
誤作濟

黃土大統十七年置在郡西三十三里居漢水南黃土山之

西因名

魏昌郡晉元帝時平蜀以巴漢流人立晉昌郡宋末省齊復

置梁不改

據晉宋志通典案寰宇記作梁武帝置誤

正始初入魏西遷後改名

石泉梁長樂改

長一作永

初郡治王水口正始初移治長樂之東

陽村西遷後以黃衆寶叛復移舊理竝改郡縣名

魏寧析石泉置

吉安郡

吉安梁初曰上廉後曰吉陽西遷後復改

豐利郡梁南上洛西遷後改

熊川

陽川

光遷國春秋時房子國兩漢爲漢中郡地蜀漢爲房陵郡魏

文帝爲新城郡

初治上庸後治房陵

梁天監末立岐州侯景之亂州郡

入魏魏廢州改郡爲光遷國

房陵漢縣

大洪廢帝三年分房陵置

羅州梁上庸郡大統中廢置州

竹山梁安城改

孔陽漢上庸後漢省曹魏復置齊改武陽梁改新豐又改武

陵魏改京川廢帝二年改孔陽以縣西孔陽水爲名

案隋志上庸注

作西魏改上庸周改孔陽今從元和志寰宇記

萬榮郡梁大同中置

以下六郡皆梁置至隋開皇始廢在西魏時不知其所隸之州今備錄之

永康梁置屬

遂寧郡梁普通六年置

諾水西遷後置屬

始寧梁置以山爲名

平川梁普通六年置屬以水爲名

隋志川作州

義陽郡梁普通六年分閩中置以山爲名

義陽梁置

哀戎郡梁普通六年置以水爲名

其章梁置以山爲名

伏虞郡梁置

伏虞梁大同元年置

安固梁大同元年置取安靜永固爲名

義安郡梁置

宣漢梁大同中分伏虞置

通州古巴國秦屬巴郡晉屬巴西郡宋齊爲巴渠郡梁大同二年置萬州以州內地萬餘頃爲名廢帝二年以州居四達之地改名領郡五

開巴郡

新寧郡梁新安改名

三岡梁置屬

寧巴郡

壽陽郡

巴中郡

遷州後漢宣漢縣地恭帝三年置州領郡一

臨清郡恭帝三年置屬

石鼓恭帝三年置屬以山爲名

石州恭帝二年置

巴渠郡恭帝二年置

東鄉

并州廢帝二年置領郡一

永昌郡梁置南晉廢帝改

案寰宇記作周改南晉為和昌隋志作西魏置并州及永昌郡今添

取之和當為永字之誤領縣二

東關

宣漢後漢和帝分宕渠東境置

開州廢帝二年置

東關郡梁置後屬

石城梁置屬

案寰宇記作廢帝二年改宣漢為石城今從隋志

新寧析石城置屬

寧一作南

固安郡

萬安郡

江會郡

西流舊曰漢興西遷後改

渠州秦巴郡地漢置宕渠縣建安二十三年置宕渠郡晉末

獠據郡縣悉廢梁置北宕渠郡大同三年於郡理置州大統

十三年其地內屬州郡因之

案通典作梁置梁州唐爲渠州誤今從隋志寰宇記

北宕渠郡梁普通三年置

隋志通典作魏置流江郡案寰宇記周武成元年乃改北宕渠爲流

江今從之

流江梁置

隋志作魏置通典作周置今從寰宇記

鄰山郡梁大同三年置鄰州廢帝改郡

鄰山梁大同三年置屬

鄰水梁大同三年置屬

晉陽郡梁置

宕渠梁置屬

綏安梁置

容州

容山郡

墊江漢臨江縣地恭帝三年置

臨州漢初平六年置臨江縣屬永寧郡梁置郡廢帝二年置  
州領郡二

臨江郡梁大同六年置以臨江川爲名

臨江梁置屬

萬川郡梁置



涇州神麿三年置以涇水爲名治臨涇城領郡五縣十二  
安定郡漢武帝元鼎二年分秦北地郡置後漢徙其人以避  
羌寇郡寄在美陽魏晉皆爲安定郡太和十一年又罷石堂  
郡以其縣屬領縣四

安定漢縣後漢省後魏復有銅城

臨涇漢縣有洪城

案寰宇記稱大統元年自高平移治者蓋  
安定郡初治高平至是與州並治臨涇

烏氏漢縣有岐山涇鄉城陽邑城撫夷城

石堂有日度山

隴東郡領縣三

涇陽漢縣後廢後魏復有薄落山涇水白城方石淵龍山

祖厲漢縣

漢志注祖音置厲音賴  
魏志厲作居傳寫誤也

後漢晉罷後復置

撫夷漢縣後漢晉罷後復置

隨平郡領縣二

鵠鵠漢縣有孤原亭臺山

按鵠漢志作孤後漢及晉志作鵠

東槃

平涼郡領縣二

鶉陰郡治漢縣晉罷後復有凡亭經陽平涼城

陰密古密國漢置縣後漢罷晉復

平原郡領縣一

陰槃二漢屬安定晉屬京兆後屬

幽州西遷後置領郡二縣六

新平郡後漢建安中置領縣四

白土漢屬上郡晉屬金城後屬有岐亭嶺

爰得前漢屬安定後漢晉罷後復屬有邑城東魏城

三水二漢屬安定晉罷後復屬西遷後嘗置恒州旋廢有隨  
意城

高平二漢屬安定晉罷後復屬有石門山

安武郡西遷後置領縣二

朝那二漢晉屬安定西遷後改屬有當原城胡城

安武西遷後析朝那置

西魏書七

地域考三下

西魏書八

通議大夫浙江按察使司按察使加二級南康謝啟昆撰

河州有伏乾闕真君六年置鎮後改治抱罕領郡四縣十一  
金城郡漢昭帝始元六年置後漢建武十三年併隴西孝明  
復領縣二

榆中二漢晉屬

大夏二漢屬隴西晉屬晉興皇興三年改爲郡後復屬有白  
水金柳城

武始郡晉末張駿分隴西置領縣三

勇田真君八年置郡後改

狄道二漢晉屬隴西

陽素

洪和郡領縣三

水池眞君四年置郡後改

藍川眞君八年置郡後改

葦川

地形志川作州今從隋志水池注

延興四年置

臨洮郡二漢晉屬隴西眞君二年改置領縣三

龍城太和十年置

石門太和九年置

赤水

交州西遷後置北秦州尋改名

安陽郡領縣二

安陽

烏水

廣安郡西遷後置

障

渭州領郡三縣六

隴西郡秦置

漢志注郡在隴山之西

領縣二

襄武

首陽

南安陽郡領縣二

桓道

中陶

廣安郡舊曰廣寧西遷後改領縣二

彰

新興真君八年罷中陶祿部襄武屬焉

原州太延二年置鎮正光五年改置并置郡縣治高平城領

郡二縣四

高平郡

隋志誤作平高

初置太平郡後改名領縣二

高平

里亭

長城郡領縣二

長城舊置黃石西遷後改名

白池

會州古西羌地宇文泰來巡會師於此土人張信罄資饗六軍泰悅因置州以會爲名

會寧漢鶉陰縣地宇文泰置屬

涼州禹貢雍州西界周衰爲狄地秦逐匈奴得甘泉匈奴使

休屠渾邪王等居涼州之地後降漢漢置河西五郡張掖酒泉敦煌

武威金城改雍州爲涼州以地處西方常寒涼也晉永寧後爲張

軌呂光姚興所據又分爲三涼後入魏神麴中爲鎮太和中

復領郡十縣二十永熙戶三千二百七十三

武安郡領縣一永熙戶三百七十三

宜盛

臨杜郡

杜一作社

太和中置領縣二永熙戶三百八十九



安平

和平

建昌郡領縣三永熙戶六百五十七

榆中

治城

蒙水

番和郡領縣二永熙戶一百三十九

彰

燕支

泉城郡領縣一永熙戶七十二

新陽

武興郡領縣三永熙戶三百八十五

晏然

馬城

休屠

武威郡漢武帝開匈奴置魏晉爲涼州治領縣二永熙戶三百四十

林中

襄城有休屠城武始澤

昌松郡領縣三永熙戶三百九十七

溫泉

掇次

本作撮沙  
又作揖次

莫口

東涇郡領縣一永熙戶一百九十一

台城

梁寧郡領縣二永熙戶三百三十一

園池

貢澤

甘州大統十二年置西涼州廢帝三年改名

案舊有西郡西遷後廢

張掖郡故匈奴昆邪王地漢武帝太初元年開置晉末爲涼

據太武帝平涼置張掖軍太和十一年改郡

永平漢麟得晉改

山丹漢刪丹後改

弱水漢曰勒舊改永寧西遷後改

鄯州古西戎地晉末爲涼據嘗置西平郡魏改置鄯善鎮孝

昌三年改立州

鄯一作膳案魏志郡縣闕今補

澆河郡太平眞君十六年置屬

隋志作西魏置今從寰宇記

西都漢破羌縣眞君中改屬

化隆景明三年置石城廢帝二年改屬

隋志作魏曰廣威隋改化隆今從寰宇記

又記以廣威爲天寶初改則樂氏誤也

浩亶舊置

龍支後漢龍耆縣武帝改金城廢帝二年又改以縣內龍支

谷爲名

龍居西遷後置

路倉西遷後置

瓜州產美瓜春秋傳允姓之戎居於瓜州卽此太武帝置鎮

孝明帝改置州

案魏志郡縣闕今補

領郡五縣十三

敦煌郡漢武帝後元年分酒泉置領縣三

敦煌漢縣

鳴沙舊置

平康舊置

效穀郡舊置

效穀漢元封六年改漁澤障置

東鄉舊置

壽皇郡舊置

龍勒漢縣有陽關玉門關

常樂郡舊置

涼興舊置

大至漢廣至改

冥安漢縣有冥水

閨泉漢淵泉改

會稽郡舊置

會稽舊置

新鄉舊置

延興舊置

華州太和十一年分秦州之由山澄城白水置

據地形志

孝昌二

年改東雍州

據寰宇記

西遷後廢帝三年復改華州

案隋志通典元和志俱載

西魏改東雍爲華州考魏志本有華州又東魏有東雍州與此無涉隋志已下頗欠明晰今據魏志寰宇記推之知其嘗

三改名可以弭牴牾之迹矣領郡三縣十二

華山郡太平眞君元年置領縣五

華陰戰國魏之陰邑秦惠文王五年改寧秦漢高帝八年更

名華陰以縣在太華之陰故名屬京兆後漢晉屬恒農後屬

有華山集仙館巨靈原濕關北鄉城重泉城

鄭周宣王弟鄭桓公所封邑漢置縣屬京兆後屬有廣鄉原

鄭城赤城

夏陽故少梁秦惠文王更名漢置縣屬馮翊後屬有梁山龍

門山黑水城

敷西太和十一年分夏陽置有武平城高平城

邵陽在邵水之陽二漢晉屬馮翊後罷太和二十年復屬

澄城郡眞君七年置領縣五

澄城眞君七年置有杏城

五泉眞君七年置有五泉水濕水石谷城

三門眞君七年置有陽苑城衙城

宮城眞君七年置

朝邑太和十一年置南五泉西遷後改名

白水郡太和三年分澄城置領縣二

姚谷太和二年置有黃巖山

蒲城太和二年置白水十一年又分置南白水西遷後併改



有五龍山粟邑城

隋志蒲城注稱舊置南北二白水西魏改爲蒲城置白水郡案白水本舊郡此置字

當作屬

同州初曰華州西遷後改名以漆沮二水同流入渭城居其

地故曰同州

武鄉郡西遷後置

武鄉西遷後華陰改

鄜州

鄜一作敷

太和十五年置東秦州孝明帝改北華州治杏城

廢帝三年復改名領郡二縣七永熙戶一萬一千五百九十

七

中部郡領縣四永熙戶八千九百二十四

中部姚興置

石保有回女山

狄道有狄兔城淺石山

三川漢翟道縣地苻秦於縣南長城原置長城縣廢帝三年改三川以華池黑沿洛三川爲名有五郊城

敷城郡領縣三永熙戶五千六百七十二

敷城有女陰山

洛川眞君中置

定陽

寧州皇興二年爲華州太和十年改爲班州十四年爲邠州二十年改幽州西遷後又改領郡三縣十

西北地郡秦昭王置領縣三

彭陽漢縣屬安定晉罷後復屬

富平二漢晉屬北地後屬有神泉靈州城彰獵山

安武漢縣屬安定後漢晉罷後復屬

趙興郡眞君二年置領縣五

陽周漢縣屬上郡後漢晉罷後復屬有橋山黃帝冢泥陽城

高平城秋水

獨樂漢縣屬上郡後漢晉罷後復屬

安定眞君二年置

趙安眞君二年置

高望眞君二年置有高望山

襄樂郡太和十一年置領縣二

襄樂漢縣屬上郡後漢晉罷後復屬

膚施漢縣屬上郡晉罷後復屬有五龍山黃帝祠

顯州西遷後分趙興郡置

蔚州西遷後分西北地郡置

雲州西遷後分西北地郡置

燕州西遷後分襄樂郡置

朔州西遷後置

恒州西遷後置

夏州赫連氏所都始光四年平爲統萬鎮太和十一年改置治大夏領郡四縣九

宏化郡太和十二年置化政政一作城郡西遷後改名領縣二

革融

復綠

一本作巖綠

闡熙郡太和十二年置

隋志長澤注誤作西魏置

領縣二

山鹿

新因

金明郡眞君十二年置領縣三

永豐眞君十三年置

啟寧

廣洛眞君十年置

代名郡太安二年置領縣二

呼會太安二年置有橫水

渠搜太和二年置

長州舊置南夏州廢帝三年改名

大安郡

延州延昌二年置東夏州西遷後改置總管府領郡四縣十  
徧城郡太和元年置領縣二

廣武漢縣屬太原後漢晉屬鴈門後屬有三城徧城

沃野漢縣武帝元狩三年城屬朔方晉罷後復屬

沃一作波

朔方郡漢武帝元朔二年開西域置領縣三

魏平

政和

朔方漢縣屬晉罷後復有貴瑁澤

神水郡漢定陽縣在定水陽屬上郡太安中改置郡西遷後改名領縣三

臨戎漢縣屬朔方晉罷後復屬

臨真有丹陽山白泉

眞川西遷後置

上郡春秋時白狄所居戰國屬魏秦置郡漢高帝元年更爲翟國尋復故後漢至晉荒廢爲赫連部落所居神龜元年復置郡領縣二

石城

因城

丹州大統三年僑置汾州廢帝三年改名

義川郡大統三年置

義川大統三年置屬

雲巖大統三年置屬以山爲名

延安廢帝元年置

義鄉廢帝元年置

文安郡西遷後置

文安西遷後置

安平舊置

太平舊永寧改

綏州廢帝元年分上郡置

安寧郡西遷後置



上西遷後置取郡爲名

安寧西遷後置

綏德大統十二年分上郡南境邱尼谷置

安人西遷後置

安政郡西遷後置

大斌秦膚施縣地改置

案隋志稱縣爲西魏置元和志謂神龜元年置

眞鄉西遷後置

城平治庫仁川

案隋志稱縣爲西魏置元和志寰宇記俱謂神龜元年置

撫寧郡舊置領縣三

開疆西遷後置

撫寧廢帝置

延陵秦膚施地廢帝元年改置治延陵村因名

鹽州大統中置西安州廢帝三年改名

大興郡舊置大統中改曰五原尋復

靈州孝昌中置

臨河郡西遷後置

秦州神麿元年置雍州延和元年改太和中罷永熙末復置

領郡二縣六

河東郡秦置治蒲坂領縣四

蒲坂二漢晉屬有華陽城雷首山

南解二漢晉曰解屬後改又太和元年置安定縣西遷後併入有桑泉城

北解太和十一年置有張楊城

桑泉古猗氏漢置縣屬河東後漢及晉不改屬恭帝二年改名有介山塘

北鄉郡領縣二

北猗氏太和十一年置有解城

汾陰二漢晉屬河東後屬有北鄉城后土祠

隴州西遷後置東秦州尋改名

隴東郡西遷後置

杜陽西遷後置汧陰尋改名

汾州舊陽都州改名

勳州舊南汾州改名

邵州大統三年置

案是年周文帝以沙苑之捷乘勝略定汾絳故於邵郡置州隋志作後周置誤今從

寰宇記

邵郡皇興四年置邵上郡太和中併河內孝昌中改復領縣四

白水有馬頭山

清廉有清廉山白馬山

萇平有王屋山

西太平

龍門郡舊置高涼郡西遷後改領縣二

高涼太和十一年分龍門置有玉壁王思政鎮此築城

龍門故皮氏二漢屬河東晉屬平陽眞君七年改屬有臨汾

城

建州大統中僑置

絳郡建義初置南絳郡恭帝去南字

絳太和十八年置南絳恭帝去南字初治交會川後移車箱

城寰宇記城在太陰山北四面懸絕大統五年脩其城東西長形似車箱因名

恒農郡漢置以顯祖諱改曰恒領縣三案恒農西恒農澠池石城河北五郡舊隸

陝州爲太和十一年置八年罷永熙中復大統三年又罷自後此五郡未知其隸何州今仍舊文錄於此

陝中

北陝二漢晉曰陝屬有曲沃城鄧芝祠

嶠太和十一年置有三嶠山白楊谷

西恒農郡領縣一

恒農二漢晉屬恒農後屬有桃林

澠池郡領縣二

俱利

北澠池太和十一年置有馬頭山俱利城生甘山

石城郡正始二年置縣後改領縣二

同堤

玉城舊石城廢帝元年改名

案隋志稱石城郡玉城縣西魏廢元和志實宇記俱作周廢今

從之又魏志  
失載石城縣

河北郡姚秦置領縣五

北安邑二漢晉曰安邑屬河東後改太和十一年置爲郡十八年復屬

南安邑太和十一年置有中條山

河北二漢晉屬河東後屬有立城嬌水首陽山伯夷叔齊墓  
安戎古芮國西遷後分河北置

太陽二漢晉屬河東後屬有虞城夏陽城

洛州太延五年置荊州太和十一年改治上洛城領郡五縣  
七

上洛郡晉武帝泰始二年置領縣二

上洛漢縣屬恒農後漢屬京兆晉屬有丹水南秦水漢高祖  
祠四皓祠高東祠

拒陽

上庸郡皇興四年置東上洛永平四年改領縣二

商漢縣屬恒農後漢屬京兆晉屬上洛後屬有京城

豐陽郡治太安二年置有圜地

魏興郡太延五年置領縣一

陽亭太和五年置

始平郡景明元年置領縣一

上洛

葭和郡景明元年置領縣一

南商

上州漢長利縣地宋置北上洛郡梁改南洛州廢帝末復改

上津郡廢帝三年置郡竝縣以晉置洛津戍爲名

上津



漫川廢帝三年置

開化廢帝三年置

巖州大統初置東義州後改名

義川郡舊置漢安郡大統初改置

盧氏漢縣

長泉舊置南峽西遷後改名

朱陽郡太和十四年蠻人樊磨背梁歸魏因置郡屬析州大  
統三年改屬領縣二

黃水

朱陽

荊州後漢治漢壽魏晉治江陵太延中治上洛太和中治穰

城領郡五縣二十七

南陽郡禹貢豫州域周申國戰國屬韓秦昭襄王十五年取其地置郡以在中國之南而居陽地故曰南陽領縣十

宛二漢晉屬有清水梅溪水

臨湍太和二十二年置新城西遷後改名有覆釜山赤石山冠軍漢武帝置二漢晉屬有湍水羊角

舞陰二漢晉屬有橫山

酈二漢晉屬有大鼓谷懸鼓山

云陽二漢晉曰育陽屬司馬昌明改

西平有精山赭山

涅陽二漢晉屬有涅水

上陌

西鄂二漢晉屬有棘山華城張衡碑

新野郡晉惠帝置領縣三

穰二漢屬南陽晉屬義陽後屬

新野二漢屬南陽晉屬義陽後屬

池陽

黃岡郡舊置郡曰漢廣西遷後改名領縣一

百寧漢棘陽縣屬南陽晉屬義陽魏加南字又分置西棘陽  
西遷後併入改名有漢廣

襄邑郡齊置郡曰北襄城魏去北字西遷後改名領縣九  
方城有赭陽城七石山

邾城有崩石山

伏城有廣陽山

舞陰有唐山

清水

翼陽有招泉

鄭

北平有因城

赭城有陵中山

恒農郡領縣四

國

恒農

南酈

邯鄲

蔡州西遷後置

北清郡

武川有滙城鹿鳴山農山

雒陽郡西遷後置領縣二

北雒二漢晉曰雒屬南陽後改屬

向城西遷後分北雒之西鄂城置

襄州孝昌中置領郡六縣二十

案河南諸州郡初陷東魏大統中始內屬其州郡名稱未

必悉仍承熙之舊故恭帝初於襄陽郡復改置襄州也

襄城郡齊太祖置魏因之治赭陽城

案赭陽隸建城此當作赭城

領縣六

方城

邾城

伏城

舞陰

翼陽

赭城

舞陰郡孝昌中置領縣二

舞陰

安陽

南安郡太和十三年置郢州十八年改爲南中府東魏天平初罷府置後內屬領縣四

安南

南舞

葉

南定

期城郡孝昌中置領縣四

西舞陽

東舞陽

南陽

新安

北南陽郡孝昌中置爲宜義郡後改州治領縣二

北平

白水

建城郡太和十八年置景明末罷郡置戍永熙二年復領縣

二

赭陽

北方城

湖州太和二十一年置南襄州後改南平西遷後改昇州尋改曰湖領郡二縣三

襄城郡領縣二

陳陽

隋志陳作湖

上馬初置曰石馬後譌石爲上因改焉

北南陽郡領縣一



南陽

洞州西遷後置

洞川郡舊置西淮郡隸南襄州西遷後改屬領縣二  
鍾離

襄城

滑州太和中置荊州旋罷州置郡永安中置南廣州西遷後  
改名領郡五縣七

襄城郡領縣一

襄城

魯陽郡領縣二

冠軍

繁昌

高昌郡領縣一

高陽

高陽郡領縣一

南陽

襄城郡領縣二

扶城

南陽

鴻州舊置郢州西遷後改名

安陽郡領縣四

眞陽

安陽

清陰

一本作青邱

淮陰

殷州

城陽郡領縣三

平春

義陽

義興

汝南郡領縣一

上蔡

歸州舊置南郢州西遷後改名領郡十二縣二十九

北遂安郡領縣一

新安

馮翊郡領縣四

山陽

彭城

城

建安

江夏郡領縣二

屈陽

鄧陽

關子郡領縣四

南新陽

西新

北新陽

新興

香山郡領縣二

北新安

鄖陽

永安郡領縣二

永安

南新興

新平郡領縣二

闕城

安城

永安郡領縣二

劉剛

上城

宕都郡領縣三

西新化

東平陽

安城

宜民郡領縣三

西新安

新安

平陽

南遂安郡領縣一

安興

闕二郡領縣三

東新市

長安

浙州漢析縣以水爲名魏置州

案隋志作西魏置然地形志已載此州

柘林郡建安中曹操分南陽置南鄉郡晉太康末改曰順陽

咸康四年復曰南鄉宋改順陽齊改從陽魏改順陽屬荊州

西遷後改南鄉尋又改屬

南鄉後漢屬南陽晉屬南鄉

臨洮有洮山

槐里

順陽二漢屬南陽晉屬南鄉漢哀帝置卽博山也後漢明帝改

清鄉西遷後析順陽置鄭縣尋改名

丹川郡

丹水前漢屬恒農後漢屬南陽晉屬南鄉魏初屬順陽後改屬

茅城

倉陵



許昌

秀山郡舊置左鄉郡西遷後改名

安山舊置左南鄉屬東恒農郡西遷後改名屬

武關本東恒農郡太和中置西遷後降改

案東恒農領縣六內左南鄉置郡其

武關及西域北鄴南鄉上憶東石五縣不知隸何郡今附錄左南鄉縣後

西域二漢屬漢中晉屬魏興後屬

北鄴有長山

南鄉

上憶

東石

龍泉

湖里

白亭

同軌郡恭帝置

熊耳初置北宜陽廢帝二年改名

南澠池

金門郡東魏置內屬

長淵舊曰南峽廢帝改

脩陽郡領縣二

蓋陽

脩陽

固郡領縣三

懷襄

南鄉

固

南上洛郡領縣二

單水

南上洛

析陽郡

西析陽

內鄉舊置東析陽西遷後改名

浙川

石人

豐州梁太清元年置興州廢帝二年改名

案隋志作周改豐州今從寰宇記

齊興郡舊僑置始平郡後改

均陽梁置

鄖鄉漢錫縣地晉太康五年改名

武當郡

武當

廣福郡梁置

廣福

淮州梁置華州魏改置東荊州西遷後改名

上川郡梁置

陽平漢北陽縣魏改名西遷後嘗置重兵以防東魏

淮安梁置

淮南西遷後分淮安置

南郭郡舊置東南陽郡西遷後改名

輔州西遷後改北應置

淮陽郡梁置西義陽郡西遷後改名

梁國恭帝元年平江陵以一州之地封梁蕭譽為附庸

復置江陵總管府

案梁蕃封地隋志所載惟當陽下稱後周

典寰宇記輿地廣記諸書皆不詳其境域考周書蕭譽傳大

定五年王琳遣將盧又柔襲陷監利郡太守蔡大有死之知

其復有監利郡也以今縣計之梁地為江陵監利枝江當陽

四縣之境廣袤僅千里督襄陽之地既入於魏元帝時舊土

若南平長沙等郡近江陵者為王琳所據復入於陳宜督之以土狹為憾矣

拓州春秋時楚夷陵地梁天監中置宜州平江陵後改名取

開拓之義

宜都郡魏武帝平荊州置臨江郡漢昭烈帝改置宜都郡理

夷陵

夷陵

夷道漢置

宜昌晉末置

都州古都國在若水旁廢帝元年徙置

武寧郡東晉隆安五年置

樂鄉東晉隆安五年置若縣後改

武山梁置曰旌陽尋改惠懷大統後又改

永寧郡東晉置長寧宋泰始中改

長寧東晉置郡治

華陵梁嘗置都州廢帝初徙

雲澤梁置

基州大統後置

章山郡

豐鄉

章山

上黃郡大統末置

綠麻

汶陽郡宋置

高安宋置

郢州大統十七年置

案隋志竟陵郡下稱舊置郢州通典寰宇記俱作周置惟元和志作西魏置今

從之

竟陵郡晉惠帝時分江夏置

長壽漢竟陵縣地晉武帝改置郡治

霄城

漢東郡宋元嘉二年僑立馮翊郡大統後改

藍水宋置蓮勺郡治大統末改

激水宋置高陸大統末改

激陂舊置清縣大統末改

沔陽郡梁置

建興梁置州陵惠懷二縣大統末併省改置



光州大統末置

建安郡齊置

京山舊置

案隋大業初改角陵曰京山此縣廢入竟陵

沔州舊置江州改名

汶川郡梁置梁安郡大統末改魏安尋復改

襄州春秋楚地秦漢南郡北境魏晉置荊州

治襄陽後還治江陵東晉

僑置南雍州宋元嘉二十六年分荊州置雍州

領襄陽南陽新野順陽隨

五郡恭帝元年改名置總管府

襄陽郡漢建安十三年魏武平荊州置

襄陽漢舊縣屬南郡後漢末改屬縣在襄水之陽故名

漢南宋置華山恭帝改屬

鄧城郡案隋志安養下稱西魏置河南郡無鄧城今從元和志

安養漢鄧縣地恭帝置屬

河南郡恭帝置

樊城

山都漢置

義成郡晉成帝置案梁置興國義城二郡恭帝初俱廢

義成宋置有穀城山

筑陽漢置

德廣郡梁置

上洪宋僑置略陽屬南天水郡梁改屬恭帝改名

威寧郡梁置新野郡恭帝改

率道漢印縣屬南郡後廢梁改置屬

宜城郡宋置華山郡恭帝改置

武建郡

惠懷

石梁

歸仁

鄢

秦南郡有秦洲

武泉郡

武泉

鄢城郡恭帝置

陰城漢置陰縣恭帝改

山都郡梁置南陽郡恭帝改

山都漢置

歸義郡

義清梁置穰縣恭帝改屬

左安

開南

歸仁

南襄陽郡齊置南襄郡屬寧蠻府恭帝改

重陽初南襄郡領新安武昌平武安武建五縣恭帝併置  
長湖郡恭帝置

義安恭帝置

昌州舊置南荊州西遷後改

案西魏嘗置東荊州尋廢

廣昌郡齊置

廣昌

豐良舊置

蔡州舊置南雍州西遷後改

蔡陽郡梁置

蔡陽漢置

雙泉西遷後分蔡陽置南陽尋改名

千金郡西遷後置

澠源西遷後置有澠水

隨州古隨國舊置并州大統十六年改名

隨郡晉太康九年分義陽置隨郡宋泰始中更名隨陽齊復舊

隨漢置

潏西郡大統末分隨郡置

曲陵郡梁置

土州梁置並郡縣

東永寧郡

西永寧郡

眞陽郡

龍巢

石武

阜陵

塘州西遷後置肆州尋改以古唐國爲名

義陽郡魏舊置

下差舊置瀝西西遷後改

均州舊恒州改名

深州舊沙州改名

款州梁置北郢州大統末改

案隋志唐城下稱周省均款湏歸四州又安貴下稱西魏改北

郢爲款州又尋廢爲湏水郡蓋周省款州而別置湏水及戟城二郡

安貴梁置曰定陽大統末改

湏州

南豫州東魏置

純州舊淮州改

順州大統末置冀州尋改

淮南郡大統末置

南陽梁置北隨郡大統末改縣並析置厲城順義

厲城

順義

安化

案安化本齊置西魏改爲光化矣此安化蓋隋志順義注所稱西魏置安化隋改爲寧化者與齊安化異

上明郡梁置

平林梁置

洛平大統末置



光化齊武帝分漢隨縣置安化文帝改新化廢帝又改

隋志作周

改今從  
元和志

安州總管府梁天監七年置南司州尋廢大統十六年置州及府

安陸郡古鄖國漢置安陸縣屬江夏郡宋武帝分江夏置郡

寰宇記作晉咸和中  
分置今從元和志

安陸漢縣有陪尾山

吉陽舊曰永陽大統末改

岳州大統末置並郡

岳山郡

澧岳郡

孝昌宋置

重城郡梁置曰汝南大統十六年改

案隋志梁有義陽郡西魏改爲南司州尋廢

京池梁置曰平陽大統十六年改

城陽郡

應城宋置

隋志作西魏置今從元和志寰宇記又樂氏稱大統十六年以應城屬河南郡其年改爲祁水郡隋

大業改應陽縣考隋志應陽下稱置城陽郡無祁水元和志亦不載未知樂氏所本

雲夢大統十六年置屬以雲夢澤爲名

浮陽古蒲騷城舊置縣

溫州梁置新州大統末改

梁寧郡梁置

角陵宋置新陽大統末改以角陵山爲名

盤陂大統末分新陽置

富人郡大統末置

富水漢南新市侯國大統末改名案寰宇記作隋置富水今從隋志

應州梁置

永陽梁置

平靖郡梁置

平靖大統後置案元和志稱大統十七年置平靖闕以古平靖縣爲名則縣非西魏置與隋志不合疑縣

當作郡傳寫之誤蓋大統末置闕廢恭時乃置縣也

潁州舊楊州改

憲州舊司州改

西魏書八